



Nunatsinni 2020-imi nappaatit tuniluuttut pillugit Nunatsinni Nakorsaaneqarfimmit allakkiaq

Allakkiami 2020-mi nappaatit tuniluuttut nassuiarneqarput. Kisitsisit Peqqinnissaqarfimmit nalunaarutininik Statens Serum instituttimiillu (SSI) paasissutissanik tunngaveqarput. Nappaammik suussusersiniaarnermi periarfissat Peqqinnissaqarfiup immikkoortuini minnerusuni killeqarnerat nalunaaruteqarnissallu piumasaqaataaneraniq ilisimanninnginneq pissutaallutik nalunaarutiginnigitsuugarpassuarqarsinnaavoq. Syfilis, klamydia gonorrélu pillugit allakkiaq immikkut saqqummiunneqarput.

Imarisai

HIV	2
Meeqqat nappaataat immikkut nalunaarutigisassat	2
Tingukkat aseruuttoorneq Hepatitis.....	2
Tuberkulose (TB)	2
Nappaatit tuniluuttut allat	3

HIV

2020-imi HIV-mik tunillatsissimasut katillugit tallimat nalunaarutigineqarput (angutit pingasut arnallu marluk), tassalu innuttaasut 100.000-iuppata qulingiluat HIV-mik tunillatsissimallutik. 2020-imi AIDS-imik nappaateqartunik nalunaaruteqartoqangilaq (tabeli 1).

Tabeli 1. 2020-imi HIV-mik tunillatsissimasutut AIDS-imillu nappaateqartut nalunaarutigineqartut	
HIV	5
AIDS	0

Meeqqat nappaataat immikkut nalunaarutigisassat

2020-imi meeqqat marluk inorlugit ukiullit pingasut illumoornermik nappaatillit nalunaarutigineqarput. Meeqqat nappaataannik nalunaarutigisassanik allanik nalunaaruteqartoqangilaq (tabeli 2). Nappaatit pineqartut meeqqanik akiuussutissiisarnermi najoqqutassiami ilaapput.

Tabeli 2. 2020-imi meeqqat nappaataat tuniluuttut nalunaarutigisassat	
Illumoorneq (bordetella pertussis)	3
Savarneq (parotitis)	0
Aappaluarneq	0
Mæslingerneq	0

Tinguklut aseruuttoorneq Hepatitis

2020-imi tingummikkut aseruuttoortutut nalunaarutigineqartunit quliusunit ataaseq hepatitis A-mik qulingiluallu hepatitis B-mik tunillatsissimapput (tabeli 3). 2020-imi Hepatitis C-mik tunillatsissimasunik nalunaaruteqartoqangilaq

Tabeli 3. 2020-imi tinguklut nappaatit tuniluuttut	
Hepatitis A	1
Hepatitis B	9
Hepatitis C	0

Tuberkulose (TB)

2020-imi nunatsinni 77-it TB-mik tunillatsissimasut paasineqarpoq, taakkulu innuttaasut 100.000 - iuppata tunillatsittut 137-iupput (tabeli 4).

TB mik tunillatsissimasut amerlanerpaartaat sakiilluuteqarput, arfineq pingasullu timip ilaani allami TB-qarlutik. TB-mut nakorsarneqarsimasut pingasut killiffiat ilisimaneqangilaq.

Tabeli 4. 2020-imi TB-mik tunillatsittut	Tunillatserlaat/nangeqqittut
Sakiilluttut, tappiorannartup suussusersineragut uppernarsisat	47/6
Sakiilluttut, nalinginnaasumik misissuinikkut suussusersisat	13/0
Puaat avataani TB-qartut	8/0
Nakorsartereersimasut (nangittut ilanngunnagit)	3
Katillugit	77

Tabelimi 4-mi takuneqarsinnaasutut 13-it sakiilluuteqarnerat nalinginnaasumik misissuinerimi paasisat tunngavigalugit suussusersineqarpoq, 47-illi tappiorannartumik suussusersiniaanikkut suussusersineqarlutik.

Aaviisarfimmi TB-mik suussusersiniaasarneq marlunnik immikkoortoqarpoq; SSI-mi tappiorannartunik naatitsilluni suussusersiniaaneq kiisalu Dronning Ingridip Napparsimmavissuani tappiorannartunik suussusersiniaariaaseq PCR-imik taaneqartartoq. Amerlanerpaat PCR atorlugu misissorneqarput, 74-illu TB-ip tappiorannartuunik naatitsinissaq siunertaralugu nassiunneqarput, taakkunanga 55-it TB-ip tappiorannartuunik nassaarfiupput 19-illu nassaarfiunatik (tabeli 5).

Tabeli 5. 2020-imi TB-mik suussusersiniaanerit				
	PCR (GeneXpert)			Katillugit
	Nassaarfiusut	Nassaarfiunngitsut	PCR atorlugu misissukkat	
Naatitsinikkut nassaarfiusut	29	5	1	35
Nassaarfiunngitsut	24*	14	2	40
Naatitsinertaqanngitsut	2	0	0	2
Katillugit	55	19	3	77

*Ataaseq erseqqissumik pasineqanngilaq

Nappaatit tuniluuttut allat

2020-imi tappiorannartunik pneumokokkinik patsiseqartumik qaratsap ameraasaagut aseruuttoortut pingasut, pneumokokkinik aammikkut tappiorannartunittoq ataaseq kiisalu tappiorannartunik aap akuinik aappalaartunik nungujartortitsisartunik streptokokkinik imm. A-nik patsiseqartumik aseruuttoortoq ataaseq nalunaarutigineqarput (tabeli 6).

SSI-miit paasissutissat pissarsiarineqartut naapertorlugit tappiorannartunik stafylokokkinik penicillinamut akiuussinnaassuilinnik (MRSA) tunillatsissimasut 14-it siunorneqarput.

2020-imi nappaatit inuussutissatigut tuniluuttut arfineq marluk nalunaarutigineqarput. Ataaseq tappiorannartumik inalukkaneersumik e. colimik (EPEC) patsiseqartumik aseruuttoorpoq, ataaseq miluuttumik giardia lambliamik (giardiasis), marluk salmonellamik pingasullu nerisatigut suuneri immikkut paasineqanngitsunik naarlussimapput.

Tabeli 6. 2020-imi nappaatit ataasiakkaarlugit nalunaarutigisat	
Qaratsap ameraasaagut aseruuttoorneq tappiorannartunik pneumokokkinik patsiseqartoq ¹	3
Aseruuttoornerit allat (matumani aap pneumokokkinik tappiorannartoqalernera) ¹	1
Tappiorannartut stafylokokkit methicillinamut akiuussinnaangorsimasut (MRSA) ²	14
Tappiorannartut streptokokkit aap akuinik aappalaartunik nungujartortitsisartut (imm. A/B) ¹	1/0
Nappaatit inuussutissatigut tuniluuttartut ¹	7
Puakkut nuammik nipititsineq tappiorannartunik Legionellamik patsiseqartoq	0
SARS CoV-2 (COVID-19) ³	28

1. Nappaatit tuniluuttut ataasiakkaarlugit nalunaarutigisat
2. SSI-mit pasissutissat
3. SARS CoV-2 (COVID-19) pillugu Nunatsinni Nakorsaaneqarfimmit nalunaarsukkat